

交河縣志卷之六

藝文志

廣東分守嶺東道布政使司叅政蘇銑祖父母 誥命
奉

天承運

皇帝制曰恩彰下逮勉篤基於群寮家有貽謀本恩勤於
大父用溯源流之自爰推綸綽之榮爾蘇養民乃廣東
分守嶺東道布政使司叅政蘇銑之祖父植德不替佑
啓後人綿及乃孫丕彰鴻緒休貽大父聿觀世澤茲以
覃恩贈爾為中大夫廣東分守嶺東道布政使司叅政

文淵閣
卷之六
錫之誥命於戲垂裕孫謀已沐優渥之典崇褒祖德用
邀錫類之仁貽厥奕祚佩此新綸

制曰一代褒功勸酬示後再世承恩崇獎及先績既懋於
公家寵宜追於王母爾廣東分守嶺東道布政使司叅
政蘇銳祖母黃氏爾有慈謀裕及後昆念茲稱職端由
壹教爰錫褒儀之貴用昭種德之勤茲以覃恩贈爾為
淑人於戲邇其家法愛勞既殫先圖貴乃國章昌融益
開來緒永期丕贊用席隆麻

制曰名世造開率儲祥於內則國恩遠逮必兼沛於重關
報稱匪私彝章具在爾廣東分守嶺東道布政使司叅

政蘇銑繼祖母李氏妣續相承後先並濟重闇之燕貽
有本孫謀之龍被宜崇嘉爾徽音並頒殊渥茲以覃恩
贈爾為淑人於戲宜室承家爾克端於垂裕貽孫教子
朕何靳於䟽榮寵授方新泉原永慰

廣東分守嶺東道布政使司叅政蘇銑父母 誥命
奉

天承運

皇帝制曰揚名顯親為子者願以令德歸之父考績褒賢
教孝者宜以高爵作之忠是用推恩特申休命爾贈文
林郎河南衛輝府推官又贈朝議大夫陝西布政使司

參議蘇美大乃廣東分守嶺東道布政使司叅政蘇銑
之父義方有訓式穀無慚念爾嗣之勤勞既克家而報
國俾爾澤之昌大爰錫類以昭仁茲以覃恩贈爾為中
大夫廣東分守嶺東道布政使司叅政錫之誥命於戲
教誨爾子永勿忝於家聲聿修厥德尚無負於國恩欽
承寵命慰爾幽靈

制曰國體勞臣必遡源而沛澤家崇詰胤原歸善於厥生
盛典維新壺儀愈著爾廣東分守嶺東道布政使司叅
政蘇銑母封太孺人又封太恭人馬氏惇範克端貽教
居身教之先慈訓惟勤能愛在能勞之後宜沛貤封用

册母德茲以覃恩封爾為大淑人於戲子情罔極感
舊而敦孝國綸普被念劬勞以䟽榮嘉乃恩勤頒茲寵
賁

廣東分守嶺東道布政使司叅政蘇銑並妻 勅命

奉

天承運

皇帝制曰褒忠表義昭代之良規崇德報功聖王之令典
特頒恩命以獎勤勞爾廣東分守嶺東道布政使司叅
政蘇銑才識博通性資醇謹服官有素崇秩濬加宣勞
罔懈夙夜克矢乎恪共奉職無愆官守益彰夫清慎欣

逢慶典宜沛新恩茲以覃恩特授爾階中大夫錫之誥
命於戲恩推自近乃宏獎夫崇階業廣惟勤尚克承夫
寵錫欽予時命勵爾嘉猷

制曰夙夜維勤人臣寧遑內顧伉儷無忝國常豈靳隆施
錫章服以酬勲念壺儀之婉美爾廣東分守嶺東道布
政使司叅政蘇銑妻封孺人又封恭人范氏克勤內德
宜爾室家眷良臣靖共之猷賴淑女匡襄之助爰褒令
範式沛新綸茲以覃恩封爾為淑人於戲敬爾有官肅
閨門而合好職思其內尚龜勉以同心祇服殊恩用昭
壺德

通政使司右叅議加一級蘇銓父母 誥命

奉

天承運

皇帝制曰興孝維君錫類宏昭報本教忠自父服官敬用承家爾蘇遠大乃通政使司右叅議加一級蘇銓之父道在提躬爰被絲綸之重志存作室式宏堂構之遺茲以覃恩贈爾為朝議大夫通政使司右叅議加一級錫之誥命於戲恩逮所生彌表象賢之美榮施下壤益彰燕翼之休

制曰疏恩將母弘推錫類之仁移孝作忠均切顯揚之念

爾通政使司右叅議加一級蘇銓母宋氏愛子能勞篤
義方於杼柚相夫克順端令範於閨闈茲以覃恩封爾
為太恭人於戲象服昭榮聿荷廷綸之寵熊丸式穀永
貽女史之芳

通政使司右叅議加一級蘇銓並妻 勅命
奉

天承運

皇帝制曰國家推恩而錫類臣子懋德以圖功懿典攸存
忱恂宜勗爾通政使司右叅議加一級蘇銓持躬克謹
蒞事維虔奉職厥司小心克昭於夙夜分猷銀臺勞勩

允著於官方慶典欣逢新綸用賁茲以覃恩特授爾
朝議大夫錫之誥命於戲式弘車服之庸用勵顯揚之
志尚欽榮命益矢嘉猷

制曰靖共爾位良臣既効其勤龜兔同心淑女宜從其貴
爾通政使司右叅議加一級蘇銓妻余氏克嫺內則能
貞順以宜家載考國常應褒嘉以錫寵茲以覃恩封爾
為恭人於戲敬為德聚實加儆戒以相成柔合女箴愈
著匡襄以永賚

交河縣題名碑記

知縣馬中良

竊聞守令者君德之通塞關焉民命之安危係焉其責

任至宏鉅也粵自唐虞三代時列爵分土者紛如矣未聞有所謂守令也迨嬴秦罷封建畫天下而郡邑之于是守令之名昉焉漢以後或為令或為牧或為刺史其稱不同均之有守令之責者也我國家受命制作聿新雖官人之法間以漢唐宋為則而三途之用六事之嚴視昔則尤為加美以故郡守縣令之臣罔不兢兢然各盡其職著勲業持節介在在以得人稱真足以紹唐虞三代而卑漢唐宋矣猗歟盛哉萬歷乙酉予獲宰河間之交河焉蓋交小邑也雖土地人民不及他邑之蕃且沃而君德民命之係則一而已矣苟非其身足以端本

德足以風下仁足以澤民敏足以應事者蒞之鮮不上
負君心而下貽民害也予謬以散材忝茲重任每慙慙
然惕若矧交為畿甸中下邑而治之者恒不易乎乃思
前事不忘後事之師今者鑒古者也于是詢撫先哲考
證前猷懲其非法其善冀以為予身寡過之助然猶懼
無以示後也彙嘗宰是邑者姓名籍銜鐫之石立諸廳
事之左予而上得若干人予亦名續之來者非敢曰茲
盡循良吏也俾后之允予而至者庶有所觀覽云

轉戒石說

知縣崔雲鶴

帝王有格言為民牧者戒俾天下刻諸石而目面之欲

其目接心警庶不敢欺迺天以虐迺民耳凡司府州縣
與有牧民責者罔不樹戒石以面戒言而制則同也獨
交河縣戾其制雖面戒石而不面戒言嘗考其人迺有
元至大間邑尹郝公為之始其後來繼尹之人亦莫有
覺其非而改正者噫嘻面其石而不面其言於目接心
警之義何在耶或者謂郝公尹交將於民有虐於天有
欺而慚見戒言乎夫牧職未易稱也賢聖猶有難焉者
而何況於後學耶苟盡吾心以牧之俾民受一分之賜
則於天免一分之誅在人自諒而已矣然必觀戒之有
常而後守戒之無逸不然則於帝王之言不足畏而致

肆日滋則欺天虐民將無不至而何以稱廵牧職由是
觀之則戒言當面不當面可知已余尹交邑亦食民脂
膏者而舉政能無過矣乎但於欺天虐民者自謂不敢
也然古訓是式尤其至願因改郝公之陋習以新厥時
亭廼轉其戒石以面其戒言庶於目接心警之義有取
焉遂以書其說

交河縣墀左瑞應甘泉記

主事及萬祺

盈天地間其利於民生切於民用者莫如泉蓋飲食之
自出也英辟哲相所以長世字庇者恒先於此是以協
氣橫流井冽泉甘稱上瑞已夫地德貞厚穿之而泉溢

其味甘苦皆一定不移間有轉苦而甘乃人情之感至和之應反滴為醇之祥無足異者文德間之甘泉湧出於雲韶元豐間之苦水變甘於環州載在簡冊可鏡也交河古洛陽區號為難治臺臬每加意者縣治堂前左墀浚井及泉右墀鑿石象虎其建置無所考蓋堪輿家設東西之屬也井堙已久我瑞河馬侯至之明年實萬曆丙戌歲也交民因侯病力請開之開而嘗其味苦也是撫封敷賁日以澤民為慮淵衷所蘊心源所蓄悉肫肫渥下意湛湛覆露思積今年如一日由是民戴其

河濶之德士頌其膏澤之究商賈服其波及之遠前此
民猶望其惠也至此而忘其惠前此當塗者猶覈其政
也至是而信其政臬牧舉之臺院薦之卓然稱異矣方
學臺楊公按臺徐公未薦之先侯之心乎民者深契乎
兩院以人事君之心及侯將被薦之頃兩院之心乎侯
者又體乎天地為民之心蓋不欲顯其績者侯之無為
之衷而直欲揚其休者薦者汲引之誠誠可以通天地
誠可以格融結彼其啓皂囊簪白筆疏卓縱揚英軌在
彼方動諸慮而在此即通於感何其以歷世泉源之若
斯時也而若體體若露汙汙旨且嘉者豈偶然乎蓋格人

茂宰薦拔者既允斯玄符靈貺潛通者自深以水視水
非今之甘無以徵泉出之佳以人視水非今之薦無以
為宦成之美上下之情既至於太和則流衍之間自為
之感格不然仍此地也仍此泉也而今昔之流殊甘苦
之味異孰使之然哉彼文德之甘泉唐君之熙事也元
豐之水甘宋臣之休佑也降輦者之意豈不以政積勞
歷試諸苦薦之累牘寔貽之甘况堂墀之間乃發施政
令之所無是政則無是薦無是薦則無是瑞泉奚自而
甘胡文定謂先天而天弗違志壹之動氣也驗於斯尤
信

交河縣重修儒學記

尚書趙廷瑞

嘉靖丁未交河縣重修儒學成諸生張仕輩持狀來京
因邑少司徒二河及公徵予為記按狀濟寧鄉進士崔
君雲鶴甲辰夏來尹交河謁廟之初視學啟弗葺輒有
志作新乙巳以邊事孔棘丙午以歲頗饑槩未即舉事
丁未大熟遂計所需首捐俸資若干爰倡官僚士庶于
時教諭李煥訓導王上林李壬暨邑中大夫士若干人
咸樂於輸助約二百金乃詠日鳩工撤其敝壞而新之
為大成殿五楹東西廡各十五楹戟門則三楹門之左
右名宦鄉賢祠各三楹前櫺星門三楹殿之東啓聖祠